

4. maj 2017

Naalackersuisooqatigiit isumaqatigiissutaat naappertorlugu Kujataani Itilliarsoop N 60.614 W 45.46.622 ikerasaliorneqarnissaanik Naalackersuisut suliniuteqarnissaannik pequneqasasut Inatsisartut aalajangiiffigisassaattut siunnersuut.

(Inatsisartunut ilaasortaq Kelly Berthelsen, Inuit Ataqtigiit)

Siullermik matumanga siunnersuuteqartoq Kelly Berthelsen Inuit Ataqtigiinneersoq Siumumiit qutsavigiumavarput Inatsisartut aalajangiiffigisassaattut siunnersuutaanut soqutigintartumut saqqummiussaqaqneranut.

Siumumi isumaqarpugut siunnersuut manna soqutiginaateqartoq, tassami qularnanngitsumik nunatta sinerissuani ikerasaaqqanik ikerasaaraliarineqarsinnaasunilluunniit arlalissuarnik peqarsimassaaq angallannikkut pitsaanerusumik isumannaannerusumillu atugassaqaqtitsisinnaasunik.

Siunnersuuteqartullu qulequtsiussimasaani Naalackersuisooqatigiit isumaqatigiissutaat naappertorlugumik oqariartuuteqaqnera Siumumiit isumaqatigiissutip oqaasertaata isumaanik tasisuaartit-sinerusoq isumaa qaangerlugu isumaqaratta, tassami Naalackersuisooqatigiinnissamut isumaqatigiissut ima oqaasertaliussaqaqmat: *“Imaatigut angallannerup isumannaannerulernissaa anguniarlugu angallatit ikerasaaqqatigut angalasinnaanerannut periarfissaat annertusarneqassaaq¹”*.

Siumumiit paasinninnerput naappertorlugu ikerasaaqqat nunap pissusaata nammineerluni pilersisimasai isumaqatigiissummi pineqarput, uanili qulequtsiunneqarsimasumi pineqarluni nunaminertaq Itilliarsummik taagugaq. Soorunami Itilliarsoq ikerasaaraliarfigineqarsinnaavoq, aamma tamanna Siumumiit ukiuni siuliini Kommune Kujallermi Borgmesteri oqariartortoralugu qanoq iliuseqarfigineqarsinnaanera kaammattuutitalimmik saqqummiussisarnikuugatta.

Itilliarsoq sipinneqartuuppat taamaalillunilu angallatinut aqutigineqarsinnaanngorluni Qaqortumiit kujammut Alluitsup - Paanut, Nanortalimmut nunaqarfittaannullu angalanierneq arlalitsigut oqilisarneqassa-galuarpoq, tassami piffissaq sukkanerusoq atorlugu apuuttoqarsinnaalissaaq, imartat avataanut ammaannartut ulorianarnerungaartut aqutiginnikkaluarlugit angalasoqarsinnaalissaaq, sikorsuit nalaanni aqutit aqutigiuminaannerpaat ilaat aqutiginnikkaluarlugit angalasoqarsinnaalissaaq kiisalu orsussamik annikinnerungaartumik atuiluni angalasoqarsinnaalissagaluartoq Siumumiit isumaqarpugut.

¹ Naalackersuisooqatigiinnissamut Isumaqtigiissut 2016-2018, qupp. 11; Angallanneq



Siumumiit siunnersuut manna ataatsimiititaliamut ingerlasussanngorlugu innersuukkusupparput, tassanimi suleqqinnermi paasisaqarfiginerussallugit sinerissami ikerasaaraliarineqarsinnaasut allat qanoq amerlatiginersut annertutiginersullu paasisaqarfigissallugit soqutiginaateqartutut isumaqarfigaarput kiisalu matumani Itilliarsuk ikerasaliorneqassagaluarpat aningaasartuutaasussat qanoq annertutiginerisa sukumiisumik paasisaqarfiginissaat.

Taamatut oqaaseqarluta siunnersuut manna Ataatsimiititaliami susassaqtumi suliarineqarnissaa Siumumiit innersuussutigaarput.

Anders Olsen

Siumut